

戶口志

古者國必有版圖以稽戶口土地之數故周禮司民一職爲掌民版專官小司徒總其比較之法而鄉遂之吏與閭師縣師等分司稽考每歲孟冬司寇獻其書於王藏之天府其重如此蓋戶口之息耗爲國之治亂強弱所係而興役定賦諸大政卽寓其中秦漢以後莫不以戶籍爲要政土著客戶皆著於籍清初因明舊制以丁口定賦役天下戶口咸籍於黃冊定制三年一編審後改五年凡里百十戶爲十甲甲推丁多者一人爲之長城內曰坊長近城曰廂長鄉曰鄉長屆期坊廂鄉長冊報州縣

宜章縣志

第九卷

戶口志

一

申之省以達於戶部年十六以上注於籍六十以上除之蓋地丁未併故稽查戶口之法密而嚴自雍正間併丁於地而戶冊遂爲具文自乾隆間令停編審以保甲丁額造冊而保甲冊亦爲具文烟戶門牌任意填報卽間有編查止及城廂其鄉鎮已多不及遠鄉僻壤更無論矣固緣官吏之奉行不力亦由民間懲於兵役口賦之往事多避匿隱漏也宜章戶口唐及宋元無可考明洪武時有苗賊譚應貞等之亂崇禎時有臨藍礦賊之亂清順治時闖賊餘黨一隻虎敗竄過境殺戮尤慘康熙間吳三桂反復蹂躪五年始定咸同間洪楊發難民之死於鋒刃者不可勝數近年共產黨之亂死者亦眾其萑苻小警水旱偏災

癘疫死亡足以耗減戶口者時多有之省志載嘉慶二十一年
 宜章戶口載司冊者戶三萬二千口十一萬五百二十以常理
 言閱三十年丁口當倍增嘉慶至今百餘年戶僅增六千有奇
 口僅增七萬有奇官署之冊籍不可據可據者各族譜牒聞近
 年各族修譜男女丁口較三十年前增多無幾且有減於前者
 推求其故蓋承平時家給人足婚姻以時故孳生極繁亂離時
 反是而兵燹癘疫其害為尤劇也管子有言地大而不為命曰
 土滿人眾而不理命曰人滿生聚教訓當有道矣茲將最近保
 甲戶口表著於篇

鄉鎮保甲戶口統計表

中華民國二十八年根據縣府調查

宜章縣志

第九卷

戶口志

二

鄉鎮名稱	保數	甲數	戶數	寺廟	公共區所戶數	男口數	女口數	寺廟男女數		男女總數
								男	女	
長坪鄉	一四	二二三	二、二四二	二〇	三	五九八八	五三八八	一六	一三	一一、四〇五
仁里鄉	一〇	一四八	一、五四二	二	二	三八七四	三三七七	四	五	七、二六〇
樂水鄉	一〇	一七五	一、八三三	四	三	四〇〇七	三七九二	五	一	七、八〇五
金華鄉	一〇	一七三	一、七八四	三	四	三九五四	三五五三	三		七、五一〇
岑麓鄉	一二	二〇九	二、二六七	五	七	四七〇九	四二五六	八	三	八、九七六
白秀鄉	一二	一七三	一、九五二	五	五	四五二三	四三二五	七	二二	八、八四七
章水鄉	一六	二六四	二、七六六	六	七	八〇三〇	七一四六	五	五	一五、一八一
岑南鄉	一六	二五二	二、七三九	三	五	七五八八	六九九〇	五	二	一四、五八五
城廂鎮	一〇	一七八	一、八六七	六	二九	四六三〇	四七二三	八	一一	九、三七二

金泉鄉	一〇	一七五	一、九四二	四	七	四九二五	四四〇二	七	九、三三四
玉水鄉	二二	三七二	四、〇一八	一三	四	八六四六	七八四五	一〇	一六、五一二
秀峯鄉	一三	一六九	二、二〇〇	五	七	五二二二	四三九三	九	九、六三九
鎮南鄉	八	一四八	一、五五六	六	六	三九一四	三六六八	九	七、五九六
長樂鄉	七	一二七	一、四三五	五	一二	三七九九	三六三一	一六	七、四五五
竺岱鄉	一五	二三〇	二、六二一	二六	九	六六七八	六一〇七	二七	一二、八一七
平和鄉	二一	一七五	一、九九三	五	一三	五一五八	四五七二	六	九、七三七
漁溪鄉	一一	二二六	二、二四七	二	二	五八六四	五〇三〇	四	一〇、八九八
里田鄉	九	一〇〇	一、七〇〇	一四	六	四一八六	三六一六	一七	七、八三
合計	二二五	三四九七	三八六九六	一三四	一三二	九五六九五	八六八〇三	一六六	一八二七五一

宜章縣志

第九卷

戶口志

三

論曰據表男口九萬五千六百九十五人女口八萬六千八百零三人男女相較女子少八千餘人則男子之鰥處者多矣周禮職方氏荊州其民一男二女宜章古屬荊州當女多於男茲反少於男者則以生女不舉而溺之者眾也現行刑律有墮胎遺棄治罪之條固當厲行然非勸導民間多設育嬰堂以補救之仍於事無濟也馬氏文獻通考有言古者戶口少而皆才智之人後世生齒繁而多麻惰之輩其肩摩袂接三孱不足以滿隅者總總也今昔情形雖不盡同然男女體質大都前輩率堅強多壽後輩反是非天地元幾之有盛衰以後輩多早婚而嗜慾眾也縣中男子約畧言之士十之

一弱商十之一工十之一弱農十之六強釋老之徒無多而
游閒之輩則眾世難年荒政煩賦重民益窮苦憔悴以有身
爲患矣休養生息所當亟行講求也